


文昌帝君本願真經

風陵文庫

文庫19

F303



焚香讚

香焚寶鼎。炁達玄穹。神人合一。謁瑤宮。
隨處顯神通。蘭篆凌空。萬聖會丹衷。

志心皈命禮

傳忱成達悃天尊三稱

燃燭讚

申巳

風陵書屋藏本
澤田瑞總

初燃燭炬。放大光明。靈心不昧。共澄清。
塵念不重萌。民。掃蕩凡情。太上大丹成。

志心皈命禮

慈光普照天尊 三稱

開卷神咒

太極分高厚。清輕上屬天。人能修正道。

身乃作真仙。意神遺三千教。時登數萬年。

丹臺開寶笈。及真口與流傳。

大聖十方感應天尊。

淨口神咒

丹朱口神吐穢除氛。惠分舌神正倫。通命養
神羅千齒神。卻邪衛真。喉神虎賁。氣神

引津心神丹元。令我通真。思神鍊液。道氣長存。

淨心神咒

太上台心。應變無停。驅邪縛魅合昧。保命護身。智慧明淨。心神安甯。三魂永久。魄無喪傾。

淨身神咒

靈寶天尊。安慰身形。弟子魂魄。五臟帳玄冥。青龍白虎。隊仗紛紜。朱雀玄武。侍衛身形。

金光神咒

天地玄宗。萬炁氣本根。廣修億劫。證吾神

通。三界內外。惟道獨尊。頂有金光。覆映後應吾身。視之不見。聽之不聞。包羅天地。養育羣生。誦此萬遍。身有光明。三界侍衛。五帝司迎。萬神朝禮。役使雷霆。鬼妖喪膽。精怪亡形。內有霹靂雷聲。隱鳴洞慧。交徹五炁。騰騰金光。速現覆護真人。

淨天地解穢咒

天地自然。穢氣氛散。洞中虛玄。晃朗太元。八方威神。使我自然。靈寶符命。普告九天。乾羅唎哪。洞罡太玄。斬妖縛邪。度人萬千。中山神咒。元始玉文。持誦一遍。卻邪延年。按行五嶽。八海知聞。魔王束

首侍衛我軒。凶穢消散。道氣常存。

祝香神咒

道由心學。心假香傳。香^雪熟玉爐。心存聖前。真靈下盼。仙^沛旃臨軒。今^近日關告。逕達九天。所祈所願。咸賜如言。

文昌帝君寶誥

志心皈命禮

不驕帝境。玉真慶宮。現九十七化之行藏。顯百千萬種之神異。飛鸞開化於在在。如意救劫以生生。至孝至仁。功全乎儒道釋。教不驕不樂。職盡乎天地水官。功德難量。

威靈莫測。大悲大願。大聖大慈。九天輔元。
開化主宰。司籙職貢。舉真君七曲。靈應保
德宏仁。大帝談經演教。消劫行化。更生永
命天尊。

文昌帝君至寶感應妙經

天地無私。隨人感應。凡諸禍福。厥自己求。

積善餘慶。和氣致祥。曰和氣者。心和氣和。
言和行和。和於身。血脉暢。和於家。倫紀篤。
和於鄉。鄰里睦。和於國。民物康。和於天下。
嘉休便至。和之所起。實由於心。心為萬事
主。心是發祥基。宜於旦夕。常理此心。毋懷
嫉妬心。毋存詛詐心。毋生刻覈心。毋起陷

言詒身經輯要
二
害心。毋萌淫邪心。毋縱驕怠心。毋自恃心。
毋自欺心。毋自溺心。毋自滿心。常懷正大
心。常存誠實心。常生慈惠心。常萌戒懼心。
常具謙虛心。有憂危心。有精進心。有吉凶
同患心。有求善不及心。持心之法。無量無
邊。克其人心。存其道心。遇有忿戾。作惡疾

觀。遇有讐怨。作危難觀。遇得財利。作賂賄
觀。遇艷冶色。作鬼魅觀。遇得意事。作寂寥
觀。遇顯赫境。作寒陋觀。遇富厚時。作貧窶
觀。凡遇如是等境。作如是等觀。而其六時
之際。應接之間。或大或小。各殫其宜。敬畏
天命。尊奉聖賢。念食毛踐土之恩。心期報

國。思。鞠。育。生。成。之。德。志。切。顯。親。友。弟。恭。兄。
敬。老。慈。幼。刑。於。閨。闈。信。於。朋。友。尊。師。重。道。
謹。口。修。身。啟。迪。愚。蒙。救。濟。困。苦。勿。銜。己。長。
勿。彰。他。短。勿。發。陰。私。勿。謗。同。類。勿。貪。非。有。
勿。念。怨。仇。勿。裸。三。光。勿。穢。罡。斗。勿。食。三。義。
勿。瀆。神。明。勿。輕。楮。墨。勿。縱。私。情。口。勿。兩。舌。

意。勿。兩。岐。勿。壞。成。事。勿。訾。前。規。以。如。是。念。
作。如。是。行。凡。逢。每。月。朔。望。五。臘。三。元。父。母。
生。日。忌。辰。己。身。本。命。誕。辰。晨。興。沐。浴。齋。戒。
焚。香。虔。誦。此。經。如。其。所。云。隨。分。黽。勉。無。虛。
時。日。不。起。怠。心。自。有。飛。空。神。員。巡。察。官。吏。
上。白。天。曹。隨。命。六。甲。六。丁。值。日。將。帥。常。相。

護衛。左右扶持。疾病不染。惡孽不逢。質愚
昧者。自增智慧。命卑賤者。轉為榮貴。骨格
貧薄之人。易為富厚。孤辰寡宿之子。可致
多男。刑剋夭折之夫。轉增福壽。暴戾很虐
之輩。化為雍容。遇水火劫。免水火劫。遇刀
兵劫。免刀兵劫。遇牢獄劫。免牢獄劫。遇煩

惱憂鬱劫。免煩惱憂鬱劫。凡遇一切雷電
風濤。瘟疫瘴瘧。毒蟲猛獸。每存此念。朗誦
此經。自有仙風瑞氣。袪滌不祥。常得康寧。
永無災害。南宮桂籍。高列其名。斗府黃函。
註添其算。善哉善哉。諦聽信奉。至人無誑
語。永宜確守斯言。天鑒在隱。微切勿泛觀。

重讀聖經車要
五
斯語。蘭臺石室。寶帙高垂。鳳閣龍樓。芳規
永範。志心稱念。至寶感應妙經。不可思議
功德。

文昌帝君至寶感應妙經終

太上洞玄靈寶梓潼本願真經

靈寶消劫正心開化章上品

爾時

元始天尊。在清微天宮。黃金闕內。會諸天
帝君。與無極聖眾。升玉華寶座。放大光明。
照諸世界。觀諸眾生。遭值劫運。受無量苦。

惱宛轉塵寰輪迴生死慨而歎曰民哉民哉誰使而然哉是時有一真人名曰慈濟從法座起越班而出長跪道前白天尊言賤臣不德仰叨道蔭得離斯苦昨覩玉皇尊帝檢校圖籙推定劫運敕北陰黑煞多目原厲及諸天魔王等眾下巡人間興動

戈兵流布瘟疫殺戮生民萬萬億數俾諸世人靡有遺類今觀眾生父子兄弟夫婦男女肝腦塗地號泣悲哀莫能相保繼以天災大行鬼現白晝間或免彼終莫逃此未審此諸眾生曠劫以來造作脩種何所違戾而獲是報可不悲歟可不悲歟伏願

重訂聖經輯要
慈悲示以未晤。天尊告曰。此諸眾生。自往劫來。不敬三寶。不孝父母。邪淫貪愛。姦詐嫉恨。造種種罪惡。日熾日滋。是故玉帝。論定劫運。更變世人。雖可悲痛。亦其自取。爾時慈濟真人。暨諸聖眾。各稽首而白天尊。言臣等卽是思維。心大不忍。疾首蹙額。力

不能救。惟願天恩。發慈悲心。開方便路。垂一金臂。援其焚溺。庶使人道不致類絕。臣等敢冒死謹言。於是天尊撫几高抗。澄神默坐。良久答曰。邇者蜀有大神。號曰梓潼。居昊天之位。齊太乙之尊。位高南極。德被十方。掌混元之輪迴。司仕流之桂祿。考六

真言經卷之五
籍事收五嶽刑。歷億千萬劫。現九十餘化。念念生民。極用其情。是以玉帝授之如意。委行飛鸞。開化人間。顯跡天下。蓋此末劫。實未可除。若欲消之。此神其可。吾當為汝等召之。俾救度末世。勿使類絕。於是慈濟真人及諸天聖眾。再拜禮謝復位。於是天

尊命持幢玉女。向不驕樂。天召之者三。忽梓潼帝君。擁五色雲霞之氣。自西北至。雍容雅步。再拜而前。白天尊言。今日吉慶。興此法筵。臣貪於行化。以至後會。恭望天慈。特賜原宥。天尊告曰。夫民受天地中生。自陰陽內化。五行範體。二氣結形。而不知人

身難得。樂土難生。乃貪婪姦詐。莫知紀極。以至劫運適逢。兵戈競起。疫癘流行。水火焚漂。悉皆由此。今諸帝君。天上地下。無極聖眾。咸請於我。願消此劫。故特以臯汝。汝其勉之。爾時梓潼帝君。拜謝奉旨。欲退天尊重告曰。帝子。此諸末劫。運數浩大。汝今

消之。何道而可。梓潼帝君復再拜而前。白天尊言。臣自往劫中。幾失本身。責在蜀地。兢兢惶惶。懼不稱職。方切思過。乃誤天恩。臣謹惟消除此劫。先正人心。為人子者。訓使之孝。為人臣者。訓使之忠。訓兄弟以友。恭訓夫婦以和順。訓居上者。使侍下以情。

訓治事者。使處心以公。率而行之。或者可
以少彌。於是天尊。乃垂盼睇之容。而稱歎
曰。奇哉。帝子。憫念眾生。說是因緣。心得開
悟。若諸世人。推行不已。則可以消除劫難。
興國太平。人享高壽。物遂本性。五穀豐熟。
歌謠滿路。抑或反之。則兵戈疫癘。頻仍相

籍。橫屍遍野。枯骨成山。而人類絕矣。子其
勉之。於是梓潼帝君。拜謝。復擁五色雲霞
之氣。自西北而退。爾時慈濟真人。聞是說
已。歡喜踴躍。卽於座中。以頌贊曰。

堪嗟爾眾生。姦詐復貪嗔。

營營日滋熾。擾擾不知懲。

致遭末世劫 人類將沉淪
 於是元始尊 憫念諸有情
 欲救末劫苦 爰命梓潼君
 筆中顯三昧 秩秩先正心
 塵迷能導引 福祿總來并
 於是慈濟真人說是頌已大眾歡喜異口

同聲歎未曾有。

靈寶消劫正心靈應章中品
 道言元始天尊在玉華座上收斂光明澄
 神默坐瑤壁輝映真氣包絡鐘鼓迭奏仁
 風交暢道意微密暄然如春一切金仙四
 眾八部幢幡寶節侍在側焉爾時元宰孔

昇天主濟沉拔罪真人東岱嶽府君各從
座起長跪道前白天尊言臣等往劫何修
獲預法會親炙道語心竊欣感然臣等愚
昧聞是經說心雖歡喜終竟未達切謂人
心不正致罹此劫自非天尊垂大金臂放
大光明展大神通敕諸巡世神祇各令復

位則或者他道似未為急今大劫已至運
難豐浩而九天開化方正人心臣恐其緩
伏望天慈示以未晤於是天尊浩然長歎
而告諸真眾曰嗟呼汝等尚未達理之本
耶夫人之生善性根焉孝悌衷焉四端具
焉五行範焉忠心胚焉和遜傳焉所為人

重刊聖經輯要
也。非比草木禽獸之為類。凡形肖人似皆
一同。及世道淪降。人心不古。機巧姦偽。貪
妒很亂。種種不善。踴躍為之。是以見三寶
而不敬。對三光而無禮。呵風罵雨。怨天尤
人。待父母如同路人。視兄弟如見仇敵。責
人常詳。處己每恕。見人有善。掩之不及。則

毀之無所不至。見人有惡。喜而慕之。則倣
之。惟恐弗勝。富貴者。驕奢淫佚。傲慢賢能。
褻瀆師長。昂首闊步。視貧賤如履草芥。不
能修種。不行陰騭。暴殄天物。中市網利。了
不知止。貧賤者。諂諛貪嗔。怨咎鬼神。不知
前世因果。不能安分守己。邪淫偷盜。犯分

重訂聖經輯要
千禮終莫自悔。是以惡人滿世。邪鬼橫行。
讒慝交進。謗讟並興。政治乖舛。人民困苦。
山川告匱。鬼神不寧。怨氣鬱結。上薄太空。
世道至此。寧得不變。所以檢校圖錄。運合
數周。推此大劫。日月薄蝕。陰陽乖戾。魔鬼
巡世。亂民迭興。兵戈疫癘。頻仍不已。命苟

彼逃。終莫此免。枯骨成山。血流若水。殄滅
人類。勿使遺種。若欲救之。豈易為方。吾故
命梓潼君。開化九天。飛鸞救世。俾諸世人。
洗心滌慮。咸臻善道。為子而能孝其親。為
臣而能忠其君。為兄弟而克友克敬。為夫
婦而克和克順。居上待下者。必以情臨政。

處事者必以公。不貪不妒不奸不偽。習此
不已。化成天下。則鬼神欽仰。天地寧謐。老
者可以得壽。少者可以得養。國土可以清
平。五穀可以豐熟。末世可以返古。豈惟末
劫獨不消乎。吾若放光垂臂。雖可救之。然
人心不正。其何能救。故不若人心既正。大

劫自除。諸巡世神祇。方欽仰畏避。豈敢肆
毒。汝等各宜諦心恭聽。勿生他慮。於是元
宰孔昇。天主濟沉。拔罪真人。東岱嶽府君。
皆歡喜作禮。默然復位。爾時天尊復告四
眾曰。我今再剖因緣。汝等各宜諦聽。人為
萬物靈心。為一身主。沉沉靜靜。不愆於愆。

言言星紀車要
不雜以偽。無慮無思。發而為言。溫和慈讓。
發而為行。中正端直。其於親。不期孝而自
孝。其於君。不期忠而自忠。其於兄弟。不期
友敬而自友敬。其於夫婦。不期和順而自
和順。不厚責於人。不徇物以私。率性而行。
舉皆中道。何者容心。故其國清平。其人安

泰其世上古。今末世凡人。勉強遵守。不違
不戾。心心不退。念念不忘。其獲福亦可如
是。豈以大劫持此而不消乎。於是天尊說
偈曰。

靈哉一點 不擾不驚 無思無慮
至聖至明 天理昭著 善性根成

一雜以偽 五體摧傾 能自歸正

百福來并 敬之慎之 大眾齊聽

於是天尊說偈已。諸天真眾無鞅。神仙嶽瀆神祇。歡喜踴躍。歎未曾有。

靈寶消劫正心報應章下品

爾時保和應化真人。即於道前拜首而言。

曰。未審此經消劫之外。有何功德。伏望天慈。為四眾諦釋。諸天神仙。嶽瀆祇靈。天上地下。及未來一切眾生。廣說利益。於是天尊告保和應化真人曰。善哉。若諸國王帝主。宰輔大臣。奉持此經。推充此道。躬行不替。教化天下。自然風淳俗厚。政善人安。五

穀豐登。萬物熙遂。若諸世人。平居無事。至
心沉慮。精加轉誦。自然父母長壽。子孫榮
貴。家道興隆。身體康健。凡有所求。種種如
願。若復有人。或入山林。或入江海。遭遇惡
風。逢值毒獸。但能懺悔。存念此經。自然山
神衛護。河伯維持。猛獸自退。風波頓止。若

復有人。或在軍陣。或遇冤家。但能懺悔。存
念此經。自然惡人善解。凶惡不逢。終不害
己。安穩如常。若有婦人。或臨產厄。或求嗣
息。但能懺悔。存念此經。自然安穩。平康。生
福德。男女聰明。智慧。為人尊貴。若或有人。
為諸神廟。轉誦此經。是諸鬼神。當脫鬼趣。

重訂聖經輯要
轉增天福。又有道士至人。善男信女。開闢
淨室。更著新衣。繪畫九天。主宰真像。香火
燈果。淨水供養。滌去凡思。端心正坐。持誦
此經。是其一切。左右鬼神等。或有聞者。卽
離鬼趣。登證仙果。一切餓鬼等。或有聞者。
脫饑渴苦。受度南宮。一切畜生等。或有聞

者。脫畜生苦。復歸人道。一切草木等。或有
聞者。已枯使榮。轉更茂盛。飛潛動植。胎卵
溼化。一切有情。咸遵道化。又此經所在。及
持是經人。當有十萬飛天大聖。救苦真人。
金剛力士。神仙兵馬。金精猛獸。無鞅數眾。
常來擁護。一切功德。說不可盡。於是保和

重讀聖經要
應化真人稽首白天尊言。此經功德眾咸聞之。若諸世人或有疑惑不信。妄生誹謗。不擇淨案。便將安置。不持齋戒。便將轉誦。未審此諸罪輩當得何報。伏願天尊再示未悟。爾時天尊言曰。噫。子今所叩。豈不異乎。此經功德不可度量。其報應亦不可具

述。若諸世人敬持遵奉。疑惑誹謗。獲福獲罪。各有輕重。若廣說之。凡流邪見。反起疑貳。我今說經。止救末劫。世人疑信。一聽自然。性命禍福。豈可戶曉。但願世人事親者。當為心孝。毋為面孝。事君者。當為心忠。毋為面忠。處兄弟。則當心友。心敬。毋面為友。

敬處夫婦則當心和心順。毋面為和順待下者，毋面似至情而心實不情。臨事者，毋面似至公而心實不公。若能遵行此道，則雖疑惑誹謗，猶信也。若不能遵守此道，則雖齋戒敬誦，猶不信也。善者積善，惡者積惡。積之既久，天地鬼神臨之，質之禍之福。

之皆自然也。吾何言哉。於是保和應化真人及諸天仙眾同聲稱贊而說偈曰：

大哉渺渺玉京中 考校圖錄定此劫
殺戮生民億億眾 頂禮至尊求解滅
於是天尊發慈悲 九天開化普俱雪
但教人人各正心 疑信從教眾生竭

我今稽首謝慈尊

萬萬生靈俱頌德

爾時保和應化真人暨諸仙眾說是偈已

稽首天顏作禮而退信受奉行

消劫行化更生永命天尊 三稱九叩

太上洞玄靈寶梓潼本願真經 終 李榮豐堂刊

